

15 Yokyokwe Pilologōs, im Julia, Niriōs im lio jātin, im Olimpās, im ro remōn otemjej rej ber ibeir.

16 Komin yokyokwe dron kin mejenma ekwojarjar. Eklisia otemjej an Kraist rej yokyokwe kom.

1 Kor. 16. 20. 2 Kor. 13. 12. 1 Tes. 5. 26. 1 Pit. 5. 14.

17 Kiō ij akwelap nōn kom, ro jeiō im jātiō, komin kakōle ro rej kōmōn jibil ko im lōkatip ko jumae katak eo kom ar katak ie, im illok jen ir.

2 Tes. 3. 6, 14. 2 Tim. 3. 5. Tait. 3. 10. 2 Jon 10.

18 Bwe ro eirwōt re jab jerbāl nōn ar Iroi j Jisōs Kraist, a nōn lojeir; im kin air nan emōn wāwen im konono e wājeberik, rej mone buruen ro re jajelokjen.

Pil. 3. 19. Kol. 2. 4. 1 Tim. 6. 5. 2 Tim. 3. 6. Tait. 1. 10. 2 Pit. 2. 3.

19 Bwe ami kibleie e buñbuñtok nōn armij otemjej. Inem ij lōñlñ kin kom, a I kōnan komin meletlet nōn men eo emōn, im bwebwe kin nana.

Jap. 1. 8. Mat. 10. 16. 1 Kor. 14. 20.

20 Im Anij in ainemōn e naj mōkōj in juri Setan iomin neemi. Joi an ar Iroi j Jisōs Kraist en ber ibemi.

Jap. 15. 33. Jen. 3. 15. 1 Kor. 16. 23. 2 Kor. 13. 14. Pil. 4. 23. 1 Tes. 5. 28. 2 Tes. 3. 18. Rev. 22. 21.

21 Timote dri jerbāl iba ej yokyokwe kom, kab Lusiōs, im Jesōn, im Sosipeter ro nuku.

Jerb. 16. 1. 1 Tes. 3. 2. 1 Tim. 1. 2. 1 Jerb. 13. 1. & 17. 5. & 20. 4.

22 Ña Tertiōs, eo ij jeje letter in, ij yokyokwe kom ilo Iroi j.

23 Geiōs, aō toene kab eo an aolepen eklisia, ej yokyokwe kom. Erastōs, dri lala mōnni i jikin kwelok e ej yokyokwe kom, kab Kwartōs juōn ian jimjān jimjāten.

1 Kor. 1. 14. 2 Tim. 4. 20.

25 Kiō nōn Eo ej maroñ in kabin kom ekar nōn aō gospel, im kwalok nan kin Jisōs Kraist, ekar nōn walok in men eo etino e kar nojōk ilo ien ko mokta,

Ep. 3. 20. 1 Tes. 3. 13. 2 Tes. 2. 17. & 3. 3. Jud 24. Jap. 2. 16. Ep. 1. 9. & 3. 3-5.

Kol. 1. 27. 1 Kor. 2. 7.

26 A kiō emwij kalikar e, im kin Jeje ko an dri kanan ekar nōn kien Anij e in drio, ar kajalaik dri ailiñ kōn otemjej, nōn bokake kin tōmak;

2 Tim. 1. 10. Tait. 1. 2. 3. 1 Pit. 1. 20. Jerb. 6. 7. Jap. 1. 5. & 15. 18.

27 Ñōn Anij e wōt meletlet, kin Jisōs Kraist, nōn E aibujui in drio. Amen.

1 Tim. 1. 17. Jud 25.

LETTER MOKTA AN PAUL ÑŌN DRI KORINT.

JAPTER 1.

PAUL, emwij kir e bwe en dri jilikan Jisōs Kraist kin ankil an Anij, im Sostenis jātiō,

Rom 1. 1. 2 Kor. 1. 1. Ep. 1. 1. Kol. 1. 1. Jerb. 18. 17.

2 Ñōn eklisia an Anij, eo ej ber i Korint, nōn ro rokwojarjar ilo Kraist Jisōs, emwij kir ir bwe ren dri mōn, kab ro otemjej rej jar ilo etan ar Iroi j Jisōs Kraist ijo ko otemjej, air Iroi kab ar:

Jud 1. Jon 17. 19. Jerb. 15. 9. Rom 1. 7. 2 Tim. 1. 9. Jerb. 9. 14. Jap. 8. 6. Rom 3. 23.

3 Joi j nōn kom im ainemōn jen Anij Jemer im Iroi j Jisōs Kraist.

Rom 1. 7.

4 Ij kamolol aō Anij ten otemjej kin kom, kin joi an Anij eo emwij lewoj nōn kom ilo Kraist Jisōs;

5 Bwe ilo men otemjej kom ar mweie ilo E, ilo nan otemjej, im ilo jela otemjej;

Jap. 12. 8. 2 Kor. 8. 7.

6 Einwōt emwij kabin kennan kin Kraist ilo kom:

Jap. 2. 1. 2 Tim. 1. 8. Rev. 1. 2.

7 Ein drein kom jab etā jen ro jet ilo jabrewōt men in letok, ke

komij kōtar an itok ar Iroj Jisōs Kraist;

Pil. 3. 20. Tait. 2. 13. 2 Pit. 3. 12.

8 Eo e naj kabin kom ñōn jemlo-kōn, bwe en ejelok notami ilo ran in ar Iroj Jisōs Kraist.

1 Tes. 3. 13. & 5. 23. Kol. 1. 22.

9 Anij etiljek, Eo e ar kir kom ñōn kōmao an Nejin Jisōs Kraistar Iroj. jap. 10. 13. Jon 15. 4. & 17. 21. 1 Jon 1. 3. jap. 11. 18.

10 A ij akwelap ñōn kom, ro jātiō, kin etan ar Iroj Jisōs Kraist, bwe komin otemjej konono einwōt juōn, im bwe en ejelok jibil iolapemi; a bwe komin jimor wāppenlok ilo juōn lemnok im juōn bebe.

Rom 12. 16. 2 Kor. 13. 11.

11 Bwe jet ian ro nukin Kloe r'ar kennanek iō kin kom, ro jātiō, bwe eor akwai ibemi.

12 Kiō ij ba men in, bwe jabrewōt iami ej ba, Ña dron Paul; im ña dron Apollōs; im ña dron Sipas; im ña dron Kraist.

jap. 3. 4. Jerb. 18. 24. Jon 1. 42.

13 E jibil ke Kraist? ar dreball Paul kin kom ke? ak emwij baptais kom ilo etan Paul ke?

Ep. 4. 5.

14 Ij kamolol Anij bwe I ar jab baptais jabrewōt iami, elañe jab Krispōs im Geiōs;

Jerb. 18. 8. Rom 16. 23.

15 Bwe ejelok en ba ar baptais kom ilo eta.

16 Im bareinwōt I ar baptais ro nukin Stepanas: I jaje elañe jabrewōt bar juōn I ar baptais.

jap. 16. 15, 17.

17 Bwe Kraist e ar jab jilkinlok iō bwe in baptais, a bwe in kwalok gospel: jab ilo meletlet in nan ko, ñe dreball an Kraist e ab jitokjen.

Jap. 2. 1, 4, 13. 2 Pit. 1. 16.

18 Bwe nan kin dreball, ñōn ro rej joko, e bwebwe; a ñōn kij jej mour, e kajur an Anij.

2 Kor. 2. 15. Jerb. 17. 18. jap. 2. 14. & 15. 2. Rom 1. 16.

19 Bwe emwij jeje, I naj kokkure meletlet an ro dri meletlet, im I naj kajitokjen lolātāt an ro dri jelalokjen.

Job 5. 12, 13. Isa. 29. 14. Jer. 8. 9.

20 Ewi dri meletlet? ewi dri jeje? ewi dri aituerōk an lōl in? Anij e ar jab kabwebweik meletlet in lōl in ke?

Isa. 33. 18. & 44. 25. Job 12. 17, 20, 24. Rom 1. 22.

21 Bwe ke ilo meletlet an Anij lōl e ar jab jela Anij kin meletlet eo an, ebuñburuen Anij bwe En lo-moren ro rej tōmak kin bwebwe in kwalok nan.

Mat. 11. 25. Rom 1. 20, 21, 28.

22 Bwe dri Ju rej kajitōk kakōle ko, im dri Grik rej kabukot meletlet:

Mat. 12. 38.

23 A kim kwalok Kraist eo emwij dreball E, lōkatip ñōn dri Ju, im bwebwe ñōn dri ailñi ko;

Isa. 8. 14. Mat. 11. 6. & 13. 57. jap. 2. 14.

24 A ñōn ro emwij kir ir, ro dri Ju kab ro dri Grik, Kraist e kajur an Anij im meletlet an Anij.

Rom 1. 16. Kol. 2. 3.

25 Bwe an Anij bwebwe e meletlet jen armij, im an Anij mōjino e kajur jen armij.

26 Bwe komin lale an kir kom, ro jātiō, bwe e jab elōñ re meletlet lor kōnlek, e jab elōñ ro re maroñ, e jab elōñ ro rajinjim, emwij kir ir:

Jon 7. 48.

27 A Anij e ar kālet men in bwebwe ko an lōl bwe En kajok ro dri meletlet; im Anij e ar kālet men in mōjino ko an lōl bwe En kajok men ko rebin;

Mat. 11. 25. Jem. 2. 5. Sam 8. 2.

28 Im men ko reñ an lōl, im men in jekron, Anij e ar kāleti, aet, im men ko re jab ber bwe En kajitokjen men ko rej ber:

Rom 4. 17. jap. 2. 6.

29 Bwe ejelok kōniek en kimjāje iman mejen Anij.

Rom 3. 27. Ep. 2. 9.

30 A kom jen E ilo Kraist Jisōs, Eo emwij kōmōn E ñōn kij meletlet jen Anij, aet, wānik, im kwojarjar im blnmour:

Jer. 23. 5, 6. Rom 4. 25. 2 Kor. 5. 21. Pil. 3. 9. Jon 17. 19. Ep. 1. 7.

31 Bwe, einwōt emwij je, Eo ej kimjāje en kimjāje ilo Iroj.

Jer. 9. 23, 24. 2 Kor. 10. 17.

JAPTER 2.

IM ña, ro jätio, ke I ar iwij ñön kom, I ar jab iwij kin konono im meletlet e kanuij emön, ke I ar kwalok ñön kom men eo etino an Anij.

jap. 1. 17. 2 Kor. 10. 10. & 11. 6. jap. 1. 6.

2 Bwe I ar bebe in jab jela jabrewöt ibemi, a Jisö's Kraist, im E emwij drebaile.

Gal. 6. 14.

3 Im I ar ber ibemi ilo möjino, im ilo mijök, im ilo wurirrir elap.

Jerb. 18. 1, 6, 12. 2 Kor. 11. 30. & 12. 5, 9.

Gal. 4. 13.

4 Im aö nan im aö kwalok e ar jab ilo nan in karel an meletlet, a ilo kamol in Jitöb im kajur;

2 Pet. 1. 16. Rom 15. 19. 1 Tes. 1. 5.

5 Bwe ami tömak en jab ilo meletlet in armij, a ilo kajur an Anij.

2 Kor. 4. 7. & 6. 7.

6 Ijoke kim konono meletlet iben ro re ridto: a meletlet eo e jab jen löl in, jab jen iroj ro in löl, ro re lotlok:

jap. 14. 20. & 1. 20. & 3. 19. Jem. 3. 15.

7 A kim konono meletlet an Anij ilo men eo etino, aet, eo enojök, eo Anij e ar bebe kake mokta jen löl ko ñön ar aibuuij:

2 Tim. 1. 9.

8 Eo ejelok ian iroj ro i löl e ar jela kake: bwe elañe r'ar jela re jamin kar drebaile Iroj in aibuuij:

Mat. 11. 25. Jon 7. 48. Luk 23. 34. Jerb. 3. 17.

9 A einwöt emwij jeje, Men ko mej e ar jab loi, im lojiliñ e ar jab roñjake, im re jañin dreloñ ilo bu-ruen armij, men ko jabrewöt Anij e ar kapojök ñön ro rej yokwe E.

Isa. 64. 4.

10 A Anij e ar kwaloki ñön kin Jitöb: bwe Jitöb ej kabukot men otemjej, aet, men ko re mülöl an Anij.

Mat. 13. 11. Jon 14. 28.

11 Bwe wön ian armij e jela men ko an armij, a jitöb ön armij eo ej ilo e? ein drein men ko an Anij ejelok en e jela kaki, a Jitöb ön Anij wöt.

Pro. 20. 27. Rom 11. 33. 34.

12 A j'ar bök, jab jitöb ön löl, a

214

Jitöb eo jen Anij; bwe jen jela men ko Anij e ar wujleptok ñön kij.

Rom 8. 15.

13 Men ko kim bareinwöt konono, jab ilo nan ko meletlet an armij ej katakin, a nan ko Jitöb ej katakin; ke kobaik men ko an Jitöb iben nan ko an Jitöb.

jap. 1. 17.

14 A armij kin biktokin e jab bök men ko an Jitöb ön Anij: bwe re men in bwebwe iben; im e jab maroñ in jela, bwe re melele kin Jitöb.

jap. 1. 18, 23. Rom 8. 5-7.

15 A eo jen Jitöb ej ekajet men otemjej, a ejelok en ej ekajete.

Pro. 28. 5. 1 Jon 4. 1.

16 Bwe wön e ar jela lolätät an Iroj, bwe en katakin E? A lolätät an Kraist ej iber.

Isa. 40. 13. Rom 11. 34. Jon 15. 15.

JAPTER 3.

IM ña, ro jätio, I ar jab maroñ in konono ñön kom einwöt ñön ro re jen Jitöb, a einwöt ñön ro re jen kõniek, einwöt ñön niñniñ ro ilo Kraist.

jap. 2. 14, 15. Hib. 5. 13.

2 I ar najirik kom kin milk, jab kin ekön; bwe mokta kom ar jab maroñwe: a kiö kom jañin maroñwe;

Hib. 5. 12, 13. 1 Pit. 2. 2. Jon 16. 12.

3 Bwe ñön kiö kom jen kõniek: bwe ñe eor junmar im akwail ibemi, kom jab jen kõniek ke, im etetal einwöt armij?

jap. 1. 11. & 11. 18. Gal. 5. 20. Jem. 3. 16.

4 Bwe ñe juön ej ba, Ña dron Paul; im bar juön, Ña dron Apollös; kom jab armij ke?

jap. 1. 12.

5 Inem wön Apollös? Wön Paul? Dri kaki kom ar tömak kin ir; im einwöt Iroj e ar kajulok ñön ir.

jap. 4. 1. 2 Kor. 3. 3. Rom 12. 3.

6 I ar kallip, Apollös e ar kamorur, a Anij e ar kadreklok.

Jerb. 18. 4-11. jap. 4. 15. & 9. 1. & 15. 1. 2 Kor. 10. 14, 15. Jerb. 18. 27. jap. 1. 30. & 15. 10.

7 Ein drein eo ej kallip jekron, ak eo ej kamorur jekron: a Anij eo Ej kadreklok.

2 Kor. 12. 11. Gal. 6. 3.

8 Kið eo ej kallip im eo ej kamorur eirwõt juðn: im kaju iair e naj bök wōnan ekar ñōn an mōke jerbāl.

Sam 62. 12. jap. 4. 5. Gal. 6. 4. 5.

9 Bwe kim dri jerbāl iben Anij: kom jikin kallip an Anij, kom men in kalek an Anij.

2 Kor. 6. 1. Ep. 2. 20. Kol. 2. 7. Hib. 3. 3. 4. 1 Pit. 2. 5.

10 Ekar ñōn joij an Anij emwij letok ñōn ið, einwõt dri kabel e meletlet, I ar likit foundešōn; im bar juðn ej kalek ion. A jabrewõt armij en lale ekijkan ej kalek na ion.

Rom 1. 5. & 15. 20. Rev. 21. 14.

11 Bwe ejelok armij e maroñ in likit bar juðn foundešōn jen eo emwij likite, eo Jisōs Kraist.

Isa. 28. 16. Ep. 2. 20.

12 A elañe jabrewõt armij ej kalek ion foundešōn in, gold, silver, dreka aurök, wijki, ujoj emōra, kãn;

13 Jerbāl an jabrewõt armij e naj alikar: bwe ran eo e naj kwalok e, bwe e naj walok ilo kijeek; im kijeek en e naj melejoñ jerbāl an jabrewõt armij ie ein.

jap. 4. 5. Luk 2. 35.

14 Elañe jerbāl an jabrewõt armij, im e ar kalek na ion, e naj berwõt, e naj bök jenekjij.

jap. 4. 5.

15 Elañe jerbāl an juðn armij e naj urur, e naj jorran: a naj lomo-ren e; a einwõt kin kijeek.

Jud 23.

16 Kom jab jela ke bwe kom tempel an Anij, im Jitōb òn Anij ej jowe ilo kom?

jap. 6. 19. 2 Kor. 6. 16. Ep. 2. 21.

17 Elañe jabrewõt armij ej kokkure tempel an Anij, Anij e naj kokkure e; bwe tempel an Anij e kwojarjar, im kom tempel eo.

18 Ejelok armij en mōke mon e. Elañe jabrewõt ej lemnok e meletlet ibemi ilo lōl in, en erom dri bwebwe bwe en meletlet.

Pro. 3. 7. Isa. 5. 21.

19 Bwe meletlet in lōl in e bwebwe iben Anij. Bwe emwij jeje, Ño ej bök dri meletlet ilo air etao.

jap. 1. 20. & 2. 6.

20 Im bar juðn, Iroj e jela lemnok ko an dri meletlet, bwe rej lemnok wan.

Sam 94. 11.

21 Inem ejelok armij en kimjåje kin armij rōn. Bwe men ko otem-jej ami;

jap. 1. 12. & 4. 6.

22 Elañe Paul, ak Apollōs, ak Sipas, ak lōl, ak mour, ak mij, ak men ko kið, ak men ko rej itok; otemjelok ami;

23 Im kom an Kraist; im Kraist an Anij.

2 Kor. 10. 7. Gal. 3. 29.

JAPTER 4.

Ein drein armij en lemnok kin kim, einwõt ro korijeran Kraist, im dri kōmñe men ko retino an Anij.

jap. 3. 5. 2 Kor. 6. 4. Kol. 1. 25. Tait. 1. 7. 1 Pit. 4. 10.

2 A ijin rej kajitōkin dri kōmñe, bwe ren lo an armij tiljek.

3 A men in e kanulj rik iba bwe komij ekajet ið, ak kin ekajet an armij: aet, I jab mōke ekajet ið.

jap. 3. 13.

5 Inem komin jab ekajet jabrewõt mokta jen ien, ñōn ien Iroj itok, Eo e naj kamaramlok men ko renojök an marok, im kalikar bebe in buru ko; im ien eo nebar e naj iben jabrewõt armij jen Anij.

Mat. 7. 1. Rom 2. 1, 16, 29. jap. 3. 13.

6 Im men kein, ro jätid, I ar likit ñōn ið kab Apollōs ilo nan etino, kin kom; bwe komin katak ilo kimro men in jab elā jen men ko emwij jeje; bwe ejelok iami en utiej buruen kin juðn armij nae bar juðn.

jap. 1. 12. & 3. 4. Rom 12. 3. jap. 3. 21. & 5. 2.

7 Bwe wōn ej kaljiklok yuk? im ta eo ibōm, im kw'ar jab bōke? a elañe kw'ar bōke, etke kwoj kimjåje einwõt elañe kw'ar jab bök e?

Jon 3. 27. Jem. 1. 17. 1 Pit. 4. 10.

8 Kið kom māt, kið kom mwele, kom ar iroj ke kim joko: im emol I kōnan bwe komin iroj, bwe kimin jimor iroj ibemi.

Rev. 3. 17.

9 Bwe, ij lemnok, Anij e ar kwalok kim dri jilik eliktata, einwöt drien mij: bwe kim men in aluij ñöu löl, im ñön enjel rön, im ñön armij rön.

Rom 8. 36. 2 Kor. 4. 11. Hib. 10. 33.

10 Kim dri bwebwe kin Kraist, a kom meletlet ilo Kraist; kim mõjino, a kom kajur; kom utiej, a kim etä.

jap. 2. 3. Jerb. 17. 18. & 26. 24. jap. 1. 18. &c. & 2. 14. & 3. 18. 2 Kin 9. 11. 2 Kor. 13. 9.

11 Ñön auö in kim kwuli, im maro, im kelwan, im rej jekanunok kim, im ejelok jikim;

2 Kor. 11. 23-27. Pil. 4. 12. Rom 8. 35. Jerb.

23. 2.

12 Im kimij jermal, im kõmõnmõn kin peim: ke rej kajirere kim, kimij jar; ke rej matõrtõre kim, kimij kijenmij;

Jerb. 18. 3. 1 Tim. 4. 10. Mat. 5. 44.

13 Ke rej rurue kim, kim akwelap: rej kõmõn kim einwöt menoknok in löl, im kobij in men otemjej, aet ñön ien in.

Jon. 3. 45.

14 I jab jeje men kein bwe in kealiklik kom, a einwöt ro nejiö jitenburu ij kowe kom.

1 Tes. 2. 11.

15 Bwe meñe e naj joñoul tausam dri kaki ilo Kraist, e jab elöñ jememi: bwe ilo Kraist Jisõs I ar keutak kom kin gospel.

jap. 3. 6. Gal. 4. 19. Pall. 10.

16 Inem ij akwelap ñön kom, bwe komin dri kajeonñwe ña.

jap. 11. 1. Pil. 3. 17. 1 Tes. 1. 6. 2 Tes. 3. 9.

17 Kin men in I ar jilkinwoj ñön kom Timote, eo nejiö jitenburu im etiljek ilo Iroi, eo e naj kakemejej kom kin ial ko aö ilo Kraist, einwöt ij katakin ijo ko otemjej ilo jabrewöt eklisia.

Jerb. 19. 22. jap. 16. 10. 1 Tim. 1. 2. 2 Tim. 1. 2. jap. 11. 2. & 7. 17. & 14. 33.

18 Kiö jet re utiej burueir, einwöt I jamin iwij ñön kom.

jap. 5. 2.

19 A I naj jarõpwoj ñön kom elañe ankil an Iroi, im I naj jela, jab nan an ro utiej, a air kajur.

Jerb. 19. 21. jap. 16. 5. 2 Kor. 1. 15. 23. Hib. 6. 3. Jem. 4. 15.

216

20 Bwe ailiñ in Anij e jab ilo nan, a ilo kajur.

jap. 2. 4. 1 Tes. 1. 5.

21 Ta eo kom kõnan? in iwij ñön kom kin ken dreñlok ke, ak ilo yokwe, im ilo jitõb in inemõn?

2 Kor. 10. 2. & 13. 10.

JAPTER 5.

EMOL ebuñbuñ bwe eor lüñ ibemi, im lüñ einwöt e jab iben dri pegan, bwe juön en lejen belen jemen.

Ep. 5. 3. Leval 18. 8. Dut. 22. 30. & 27. 20. 2 Kor. 7. 12.

2 Im e utiej buruemi, im kom ar jab buromõj bwe en joko jen ibemi eo e ar kõmõn men in.

jap. 4. 18. 2 Kor. 7. 7, 10.

3 Bwe emol ña, e joko enbwiniö, a ij ibemi kin aö, emwij aö ekajete, einwöt ñe ij ibemi, eo ein drein an kõmõn men in,

Kol. 2. 5.

4 Ilo etan ar Iroi, Jisõs, ñe emwij ami jlmor kweloklok, im aö, iben kajur an Iroi, Jisõs,

Mat. 16. 19. 2 Kor. 2. 10. & 13. 3, 10.

5 Komin ketõk eo einwöt ñön Setan ñön kokkure kõniekin, bwe an en mour ilo ran an Iroi, Jisõs.

Job 2. 6. Sam 109. 6. 1 Tim. 1. 20. Jerb. 26. 18.

6 Ami kimjåje e jab emõn. Kom jab jela ke bwe jirik leven ej leven aolepen lõk eo?

jap. 3. 21. & 15. 33. Jem. 4. 16. Gal. 5. 9.

7 Komin karreoik kom jen leven eo emor bwe komin juön lõk ekäl, im einwöt ejelok ami leven. Bwe emwij katok kin men in kijone eo ar, eo Kraist.

Jon 1. 29. jap. 15. 3. Jon 19. 14.

8 Inem jen lale kwojkwoj, jab kin leven eo emor, im jab kin leven in junmare im nana; a kin bred ar jab leven, bred in kwojarjar im mol.

Eks. 12. 15. Dut. 16. 3.

9 I ar jejewoj ilo letter eo aö bwe komin jab kõmao iben ro dri lüñ;

2 Kor. 6. 14. Ep. 5. 11. 2 Tes. 3. 14.

10 A I ar jab lemnok kin dri lüñ an löl in, ak iben dri ankwõnak im dri koaroff, ak iben dri kabuñ ñön

ekjöp; bwe elañe ein drein, emön komin ilok jen löl:

jab. 1. 20. & 10. 27. Jon 17. 15. 1 Jon 5. 19.

11 A eñin I ar jeje ñön kom bwe komin jab kõmao iben juön armij elañe naetan jimjån jimjåten im e dri lüñ, ak dri ankwõnak, ak dri kabuñ ñön ekjöp, ak dri kajlrere, ak dri karek, ak dri koaroñ; emön jab mõña iben juön einwõt.

Mat. 18. 17. 2 Tes. 3. 6.

12 Bwe ta eo iba bwe in ekajet ro ilikin? Kom jab ekajet ro rej ber iloan ke?

Mark 4. 11. jab. 6. 1-4.

13 A ro rej ber ilikin, Anij e naj ekajet ir. Komin jolok leo enana jen ibemi.

Dut. 13. 5. & 17. 7.

JAPTER 6.

JABREWÖT iami, eor an akwaile dri turin, e beran in ilok ilo kien iman mejen ro re jab wānik, im jab iman mejen ro remön ke?

2 Ak kom jab jela ke bwe ro remön re naj ekajet löl? im elañe kom naj ekajet löl, kom betkake in ekajet men ko redriktata ke?

Dan. 7. 22. Mat. 19. 28. Rev. 2. 28.

3 Kom jab jela ke bwe je naj ekajet enjel ro, im enañin laplok men ko an mour in?

☉ Pit. 2. 4. Jud 6.

4 Inem elañe eor ami ekajet kin men ko an mour in, komij likit ke ro jekron ilo eklisia bwe ren ekajet kaki?

jab. 5. 12.

5 Ij ba men in bwe in keäliklik kom. Emol ke re ban lo juön dri meletlet lolapemi, eo e naj maroñ in ekajet ikotan ro jein im jåtin?

6 A ro jimjån jimjåten rej akwaile dron ilo kien, im men in iman ro re jab tõmak.

7 Inem ebwir otem bwir ibemi, bwe komij akwaile dron ilo kien. Etke e jab emön ibemi bwe komin jorran? etke e jab emön ibemi bwe ren bök men ko ami ilo mon?

Pro. 20. 22. Mat. 5. 39.

8 A komij kejjorran, im bök ilo

mon, im men in ñön ro jeimi im jåtömi.

1 Tes. 4. 6.

9 Ak kom jab jela ke bwe ro re jab wānik re jamin bök air jolit ailiñ in Anij? Komin jab bwir; ejelok dri lüñ, ak dri kabuñ ñön ekjöp, ak dri lejen, ak dri ejej, ak dri Sodöm,

jab. 15. 50. Gal. 5. 21. Ep. 5. 5.

10 Ak dri kwot, ak dri ankwõnak, ak dri karek, ak dri kajlrere, ak dri koaroñ, e naj bök an jolit ailiñ in Anij.

11 Im jet iami kar eirwõt: a emwij kwoll kom, a emwij kokwojar-jar kom, a emwij kowānik kom ilo etan IroiJ Jisõs Kraist, im ilo Jitõb õn ar Anij.

jab. 12. 2. Ep. 2. 2. jab. 1. 30. Hib. 10. 22.

12 Men otemjej remelim ñön iõ, a jab men otemjej rej kakajuror. Men otemjej remelim ñön iõ, a jamin kötåik iõ ilo maroñ an jabrewõt.

jab. 10. 23.

13 Ekön ko ñön loje, im loje ñön ekön ko: a Anij e naj kokkure e im ir. A enbwin e jab ñön lüñ, a ñön IroiJ; im IroiJ ñön enbwin.

Mat. 15. 17. Ep. 5. 23.

14 Aet, im Anij e ar kejerkakbiji IroiJ, im E naj bareinwõt kejerkakbiji kij kin kajur eo An.

Rom 6. 5. Ep. 1. 19.

15 Kom jab jela ke bwe enbwinemi ran Kraist? inem in böklok ke ran Kraist im kõmõne ran kõra ekijoñ? En jab eñin.

Rom 12. 5. Ep. 5. 30.

16 Ak kom jab jela ke bwe eo ej koba iben kõra ekijoñ e juön wõt enbwinir? bwe Ej ba, Ruo re naj juön wõt kõniek.

Jen. 2. 24. Mat. 19. 5.

17 A eo ej koba iben IroiJ rejro juön jitõb.

Jon 17. 21-23. Ep. 4. 4.

18 Komin ko jen lüñ. Jabrewõt jerawiwi an armij kõmön, e elikin enbwinin; a eo ej lüñ ej mõke jerawiwi nae enbwinin.

Rom 6. 12, 13. Hib. 13. 4. Rom 1. 24. 1 Tes.

19 Ak kom jab jela ke bwe enbwinemi tempel an Jitöb Kwojarjar eo Ej ilo kom, Eo ibemi jen Anij? Im kom jab ami möke;

Jap. 3. 16. 2 Kor. 6. 16. Rom 14. 7. 8.

20 Bwe emwij wiaik kom kin juön wönan: inem komiu kaibujuij Anij ilo enbwinemi.

Jerb. 20. 28. Jap. 7. 23. Gal. 3. 13. Hib. 9. 12. 1 Pit. 1. 18, 19. 2 Pit. 2. 1. Rev. 5. 9.

JAPTER 7.

KIÖ kin men ko kom ar jeje kaki: emön ñön armij bwe en jab uñir köra.

2 Ijoke, kin lüñ ko, jabrewöt eman en iben lio belen, im jabrewöt köra en iben leo belen.

3 Leo en lelok men eo ekar ñön lio belen: im bareinwöt lio ñön leo belen.

Eks. 21. 10. 1 Pit. 3. 7.

4 Ejelok an lio möke maroñ ion enbwinin, a leo belen: im ein drein leo ejelok an möke maroñ ion enbwinin, a lio belen.

5 Komin jab elikinjipjip dron, elañe e jab ilo juön ien im buruemi wöt juön, bwe komin lelok kom ñön jar; im bar ber iben dron, bwe Setan en jab kabo kom kin ami möjino.

Joel 2. 16. Zek. 7. 3. Eks. 19. 15. 1 Tes. 3. 5.

6 A ij ba men in einwöt kamelim, im jab einwöt kaifi.

2 Kor. 8. 8.

7 A I könan bwe armij otemjej ren einwöt ña. A jabrewöt armij ej bök men in letok eo an jen Anij, juön ein drein, im bar juön ein juön.

Jerb. 26. 29. Jap. 9. 5. Mat. 19. 12.

8 Inem ij ba ñön ro re jañin belele, kab ro ejoko beleir, Emön elañe rej ber im einwöt ña.

9 A elañe re jab maroñ möke iair, ren belele: bwe emön ñe rej belele jen ñe rej urur.

1 Tim. 5. 14.

10 Im ñön ro emwij air belele ij karoñ, jab ña, a Iroi, Lio en jab jibil jen leo belen

Mal. 2. 16. Mat. 5. 32.

11 (A elañe ej jibil, en berwöt im

jab bar belele, ak en bar yokwe leo belen); im leo en jab ilok jen lio belen.

12 A ñön ro jet ña ij ba, jab Iroi: Elañe juön ian jimjān jimjāten eor belen eo e jab tömak, im lio e mönñön in jokwe iben, leo en jab ilok jen lio belen.

13 Im köra eo eor belen, im e jab tömak, im leo emönñön in jokwe iben, lio en jab ilok jen leo belen.

14 Bwe leo e jab tömak kokwojarjar e kin lio belen, im lio e jab tömak kokwojarjar e kin leo belen: elañe jab ein drein ro nejemi re jab erre; a kiö re kwojarjar.

Mal. 2. 15.

15 A elañe eo e jab tömak ej ilok, en ilok. Juön ian jimjān jimjāten man ak köra ejelok lukjeu ñe ein drein: a Anij e ar kir kij ilo aine-mön.

Rom 14. 19.

16 Bwe ekijkan am jela, O köra, elañe kwo naj lomoren leo beleöm? ak ekijkan am jela, O man, elañe kwo naj lomoren lio beleöm?

1 Pit. 3. 1.

17 A einwöt Iroi e ar kajulok ñön jabrewöt armij, im einwöt Anij e ar kir jabrewöt, ein drein en etal. Ein drein ij kaifi ilo eklisia otemjej.

2 Kor. 11. 28.

18 Ar kir juön armij eodri mijmij ke? en jab erom jabmijmij. Ar kir juön ilo jabmijmij ke? en jab mijmij.

Jerb. 15. 1, 5, 19, 24, 28. Gal. 5. 2.

19 Mijmij e jitokjen, im jabmijmij e jitokjen; a kejbärok kien ko an Anij.

Gal. 5. 6. Jon 15. 14. 1 Jon 2. 3. & 3. 24.

20 Jabrewöt armij en berwöt ilo jeral eo ar kir e ilaan.

21 Ar kir yuk ke dri kamakoko? en jab men in limam. A elañe kwoj maroñ in anemkwojam, emön kömön einwöt.

22 Bwe dri kamakoko eo emwij kir e ilo Iroi, e dri anemkwojan Iroi: bareinwöt dri anemkwojan eo emwij kir e, e korijeran Kraist.

Jon 8. 36. Pail. 16. Jap. 9. 21. Gal. 5. 13.

23 Emwij wiaik kom kin juön wönan, komin jab korijeran armij.

jap. 6. 20. Leval 25. 42.

24 Ro jätiö, jabrewöt armij, ilo men eo emwij kir e iloan, ilo men in en berwöt iben Anij.

25 Kiö kin virjin ro, Iroi e ar jab karoñ iö: a ij lewoj aö bebe, einwöt juön I ar bök joij jen Iroi bwe in tiljek.

2 Kor. 8. 8, 10. 1 Tim. 1. 12, 16. jap. 4. 2.

26 Inem ij lemnok emön men in kin jorran in iber, aet, emön ñön armij bwe en berwöt ein drein.

27 Kwo eoyu ke iben köra? kwon jab bukot jeltöm: kwo mejöl ke jen köra? kwon jab bukot juön köra.

28 A elañe kwoj belele, kw'ar jab jerawiwi; im elañe juön virjin ej belele, e ar jab jerawiwi. Ijoke ro eirwöt e naj eor iñtan ibeir ilo köniek: im I könan tiriamokake kom.

29 A ij ba men in, ro jätiö, e karu ien jen kiö, bwe ro eor köra beleir ren einwöt ñe ejelok ibeir;

Rom 13. 11. 1 Pit. 4. 7. 2 Pit. 3. 8, 9.

30 Im ro rej jöñ ren einwöt re jab jöñ; im ro rej löñliñ ren einwöt re jab löñliñ; im ro rej wiaik ren einwöt ñe ejelok ibeir;

31 Im ro rej jerbale löl in ren einwöt re jab kanuij jerbale: bwe wāwen löl in ejokolok.

jap. 9. 18. Sam 39. 6. Jem. 1. 10. & 4. 14. 1 Pit. 1. 24. 1 Jon 2. 17.

32 A I könan bwe en ejelok men in kabwir kom. Leo e jab belele e bwiren lale men ko an Iroi, ekijkan an kabuñburuen Iroi:

1 Tim. 5. 5.

33 A leo ebelele e bwiren lale men ko an löl, ekijkan an kabuñburuen lio belen.

34 Im köra eo ebelele ein juön jen virjin eo. Lio e jab belele e bwiren lale men ko an Iroi, bwe en kwojarjar ilo enbwiniu im ilo an; a lio ebelele e bwiren lale men ko an löl, ekijkan an kabuñburuen leo belen.

Luk 10. 40, 42.

35 Im ij konono men in bwe in

kakajuror kom; jab bwe in liktoik kom, a kin men eo ekar, im bwe komin jerbale ñön Iroi im ejelok men in kabwir.

36 A elañe juön armij ej lemnok e jab emön an kömön ñön virjin eo nejn, ñe llo e torbel, im men in wöt emön, en kömön men eo e könan, e jab jerawiwi; ren belele.

37 Ijoke eo ej jutök bin ilo buruen, im ejelok men in kabwir e, a eor an maroñ ion ankil an, im e ar bebe ilo buruen bwe en kejbärok virjin eo nejn, ej kömön emön.

38 Ein drein eo ej lelok virjin eo ilo belele ej kömön emön; im eo e jab lelok lio ilo belele emönlok an kömön.

Hib. 13. 4.

39 Köra ej illuk toñ an mour leo belen; a elañe leo belen e mij, e mejöl bwe en belek leo e könan; ilo Iroi wöt.

Rom 7. 2. 2 Kor. 6. 14.

40 A emöñöñlok elañe ej berwöt, ilo aö bebe: im ij lemnok bwe bar-einwöt Jitöb öñ Anij iba.

1 Tes. 4. 8.

JAPTER 8.

KIÖ kin men in katok ñön ekjöp ko, je jela bwe eor jela iber otemjej. Jela ej koutiej buru, a yokwe ej kalek.

Jerb. 15. 29. Rom 14. 3, 10, 14, 22.

2 Elañe jabrewöt armij ej lemnok e jela jabrewöt, e jañin jela einwöt en kar jela.

jap. 13. 8, 9, 12. Gal. 6. 3. 1 Tim. 6. 4.

3 A elañe jabrewöt armij ej yokwe Anij, Anij e jela e.

Eks. 33. 12, 17. Nah. 1. 7. Gal. 4. 9.

4 Inem kin möña men ko emwij lelok ñön ekjöp ko ilo katok, je jela bwe ekjöp e jekron ilo löl, im bwe ejelok anij a Juön wöt.

Isa. 41. 24. jap. 10. 19. Dut. 4. 29.

5 Bwe meñe eor rej naetair anij rön, elañe i löñ ak i löl; einwöt elöñ anij, im elöñ iroi;

Jon 10. 34.

6 A iber juön Anij, Jemer, jen E

men ko otemjelok, im kij ilo E; im juön Iroi, Jisös Kraist, kin E men ko otemjelok, im kij kin E.

Mal. 2. 10. Ep. 4. 6. Jerb. 17. 28. Rom 11. 36. Jon 13. 13. Jerb. 2. 36. Pil. 2. 11. Jon 1. 3.

7 A jela in e jab iben armij otemjej; a jet, kin air minene kin ekjöp ñön ien in, rej mōña einwöt men in katok ñön ekjöp; im kananaik air bökliköt emōjino.

Jap. 10. 28, 29. Rom 14. 14, 23.

8 A ekön e jamin kaljikilok kij iman mejen Anij: bwe elañe je jab mōña je jab nanalok; ak elañe jej mōña je jab emönlok.

Rom 14. 17.

9 A komin lale bwe maroñ in ami en jab lökatip ñön ro remōjino.

Gal. 5. 13. Rom 14. 13, 20.

10 Bwe elañe juön armij ej lo yuk, kweo kwo jela, jiberak im mōña ilo tempel in ekjöp, bökliköt an leo emōjino e jamin beran in mōña men ko, men in jurtak ñön ekjöp ke?

Jap. 10. 28, 32.

11 Bwe kin am jela, e joko dri mōjino, jimjän jimjäten eo Kraist e ar mij kin e.

12 A ñe ein drein ami jerawiwi nae jimjän jimjäten im kakiniñuj air bökliköt emōjino, komij jerawiwi nae Kraist.

Mat. 25. 40, 45.

13 Inem, elañe mōña ej lökatipe jeið im jätið, I jamin mōña kōniek in drio, bwe in jab lökatipe jeið im jätið.

2 Kor. 11. 29.

JAPTER 9.

NA I jab anemkwojað ke? I jab dri jilik ke? I ar jab lo Jisös ar Iroi ke? kom jab að jeral ilo Iroi ke?

Jerb. 13. 2. & 26. 17. 2 Kor. 12. 12. 1 Tim. 2. 7. 2 Tim. 1. 11. Jerb. 9. 3. 17. & 18. 9. & 22. 14. Jap. 3. 6.

2 Elañe I jab dri jilik ñön ro jet, a emol ña juön ñön kom: bwe kom sil an að dri jilik ilo Iroi.

2 Kor. 3. 2.

3 Að nan in uak ñön ro rej kajitökin ið eñin.

4 E jab melim ke ñön kim bwe kimin mōña im irak?

1 Tes. 2. 6. 2 Tes. 3. 9.

5 E jab melim ke ñön kim bwe kimin tellok ibemlok belem dri tōmak, im einwöt dri jilik ro jet, im lömaro jätiñ Iroi, im Sipas?

Mat. 13. 55. Mat. 8. 14.

6 Ak ña wöt kab Barnebas, e jab melim ke ñön kimro bwe kimin jab jeral?

7 Wön ej llen törinae jabrewöt ien im e mōke kōmön kapjeran? Wön ej kalibwin bwil in grep, im e jab mōña jen leen? wön ej najirik bwijin kiru rawie, im e jab mōña jen milk in bwij eo?

2 Kor. 10. 4. Dut. 20. 6. Pro. 27. 18. Jap. 3. 6-8. 1 Jon 21. 15.

8 Ij konono men kein einwöt armij ke? ak klen e jab bareinwöt ba men kein ke?

9 Bwe ilo kien Moses emwij jeje, Kwon jab binej loñin kau koman ej jujure korn. Anij ej lale kau,

Dut. 25. 4. 1 Tim. 5. 18.

10 Ak ñön kij wöt ej ba ke? Aet ñön kij emwij jeje, bwe eo ej plau emön en plau ilo kejatrikrik, im dri dreñlokwe korn en dreñlokwe ilo kejatrikrik in bök kij eo an.

2 Tim. 2. 6.

11 Elañe kim ar jeor ñön kom men ko an Jitöb, men in elap ke elañe kimij marmir ilo ami men in kōniek?

Rom 15. 27.

12 Elañe ro jet eor air maroñ lomi, e jab laplok ibem ke? Ijoke kim ar jab kōmön ilo maroñ in; a kim iñtan kake men ko otemjej bwe kimin jab karumij gospel an Kraist.

Jerb. 20. 33. 2 Kor. 11. 7, 9. & 12. 13. 2 Kor. 11. 12.

13 Kom jaje ke bwe ro rej jeral kin men ko rokwojarjar rej mōña jen tempel, im ro rej jeral iturin lokatok rej bök air kij iben lokatok eo?

Leval 6. 16, 26. & 7. 6. Bwin. 5. 9, 10. & 18. 8-20. Dut. 10. 9. & 18. 1.

14 Ein drein Iroi e ar likit bwe ro

rej kwalok gospel ren mour jen gospel.

Mat. 10. 10. Luk 10. 7. Gal. 6. 6. 1 Tim. 5. 17.

15 A I ar jab kōmōn kin men kein: im I jab jeje men kein bwe ren kōmōn einwōt nōn iō: bwe emōn nōn iō bwe in mij, jen bwe jabrewōt en kajitokjen unin aō kimjāje.

Jerb. 18. 3, 12. 2 Kor. 11. 10.

16 Bwe elañe ij kwalok gospel, ejelok iba bwe in kimjāje kake; bwe men in e relel ilo buruō, bwe Wo nōn iō elañe I jab kwalok gospel.

Rom 1. 14.

17 Bwe elañe I jilkaie in kōmōn men in, eor aō jenekij: a elañe I makoko, juōn jerbāl in kōmñe letok nōn iō.

Jap. 3. 8, 14. & 4. 1. Gal. 2. 7. Pil. 1. 17. Kol. 1. 25.

18 Inem ta jenekij eo aō? bwe, ke ij kwalok gospel, in kōmōn gospel ejelok wōnan, bwe in jab kanuij kwalok aō maroñ ilo gospel.

2 Kor. 11. 7. Jap. 7. 31.

19 Bwe meñe ij anemkwojaō jen armij otemjej, I ar mōke dri korijeran otemjej, bwe en lōñlok aō jibarek ir.

Gal. 5. 13. Mat. 18. 15.

20 Im I ar einwōt dri Ju nōn dri Ju ro, bwe in jibarek dri Ju; nōn ro iomin kien, einwōt iomin kien, meñe I jab iomin kien, bwe in jibarek ro rej ber iomin kien;

Jerb. 16. 3. & 18. 18. & 21. 23.

21 Nōn ro ejelok kien ibeir, einwōt ejelok kien iba, ke I jab anemkwojaō jen kien Anij, a iomin kien Kraist, bwe in jibarek ro ejelok kien ibeir.

Gal. 3. 2. Rom 2. 14. Jap. 7. 22.

22 Nōn ro remōjino ña ij mōjino, bwe in jibarek ro re mōjino. Ña men otemjej nōn armij otemjej bwe kin otemjej in lomoren jet.

2 Kor. 11. 29. Jap. 10. 33. Rom 11. 14. & 15. 1.

23 A men otemjej ij kōmōni kin gospel, bwe in dri bōk mōtōn eo iben ro jet.

24 Kom jab jela ke bwe ro rej etōr

ilo iaikwij, ir otemjej rej etōr a juōn wōt ej bōk mejenkajik? Komin etōr einwōt bwe komin tōbrōk.

Pil. 2. 16. & 3. 14. Hib. 12. 1.

25 Im jabrewōt armij eo ej iaikwij kin mejenkajik e jadōr ilo men otemjej. Ir rej kōmōn men in bwe ren jibarek rojenbōr e mor mōkōj; a kij eo e jamin mor.

Ep. 6. 12. 2 Tim. 2. 5. & 4. 7. 2 Tim. 4. 8. Jem. 1. 12. 1 Pit. 5. 4. Rev. 2. 10. & 3. 11.

26 Inem ein drein ña ij etōr, jab einwōt I toñōñ; ein drein ij jekanunōk, im jab einwōt drefñlok kōto:

27 A ij jekanunōk enbwiniō, im kamakokoik e, bwe ilo jabrewōt, mōjen aō kwalok gospel nōn ro jet, ña in jab joko.

Kol. 3. 5. Rom 6. 19. Jer. 6. 30. 2 Kor. 13. 5, 6.

JAPTER 10.

BWE I jab kōnan bwe komin jaje, ro jātlō, ekijkan ro jimam r'ar ber iomin kōro, im ir otemjej r'ar elā jen ilujen lomalo;

Eks. 13. 21. & 14. 22. Bwin. 9. 18. & 33. 8.

2 Im ir otemjej r'ar baptais nōn Moses ilo kōro eo im ilo lomalo;

3 Im ir otemjej r'ar mōña kōn in jitōb wāwen wōt juōn;

Eks. 16. 15, 35.

4 Im ir otemjej r'ar irak limen jitōb wāwen wōt juōn; bwe r'ar irak jen Ejman e jitōb im E ar lor ir: im Ejman eo Kraist.

Eks. 17. 6. Dut. 9. 21. Sam 106. 41.

5 A iben elōñ iair Anij e ar jab buñburuen: bwe ar kokkure ir ilo ene jemaren.

Bwin. 14. 29, 32, 35. & 26. 64, 65. Sam 106. 26. Hib. 3. 17. Jud 5.

6 Ak men kein joñok nōn kij, bwe jen jab ankwōnak men ko renana, im einwōt ir r'ar ankwōnaki.

Bwin. 11. 4. Sam 106. 14.

7 Im komin jab kabuñ nōn ekjōp, einwōt jet iair; einwōt emwij jeje, Armij r'ar jijōt in mōña im irak, im juten kuri.

Eks. 32. 6.

8 Im jen jab lūñ, einwōt jet iair

r'ar lūñ, im mij ilo juōn ran roñoul
im jilu tausan.

jap. 6. 18. Rev. 2. 14. Bwin. 25. 1, 9. Sam
106, 29.

9 Im jen jab kōjake Iroi, einwōt
jet iair r'ar kōjake, im re joko kin
serpent ko.

Eks. 17. 2, 7. Bwin. 21. 5, 6.

10 Im komin jab wanōketak, ein-
wōt jet iair r'ar wanōketak, im re
joko kin dri kokkure eo.

Bwin. 14. 2, 29, 37. & 16. 41, 49. Eks. 12. 23.
2 Samuel 24. 16. 1 Kron. 21. 15.

11 A men kein r'ar walok ibeir
ñōn joñok; in emwij je ir nan in
kowe kij, kijeo ien ko eliktata r'ar
itok ioyer.

Rom 15. 4. jap. 7. 29. & 9. 10. Pil. 4. 5.
1 Jon 2. 18.

12 Kin men in, eo ej lemnok ej
jutōk, en lale bwe en jab buñ.

Rom 11. 20.

13 Ejelok men in kabo e ar bōk
kom, a eo armij rej maroñwe: a
Anij e tiljek, im E jamin likit bwe
ren kabo kom elap jen ami maroñ;
a ilo men in kabo E naj kōmōn ial
in ko, bwe komin maroñwe.

jap. 1. 9. Sam 125. 3. 2 Pit. 2. 9. Jer. 29. 11.

14 Kin men in, kom jitenburu iba,
komin ko jen kabuñ ñōn ekjōp ko.

2 Kor. 6. 17. 1 Jon 5. 21.

15 Ij konono einwōt ñōn dri me-
letlet; komin lemnok kin men eo
ij ba.

jap. 8. 1.

16 Kōp in jerammōn, eo kimij
jare, e jab kōmao in bōtōktōkin
Kraist ke? Bred eo kim ruje, e
jab kōmao in enbwinin Kraist ke?

Mat. 26. 26-28. Jerb. 2. 42.

17 Bwe kij jelōñ jej juōn bred,
juōn enbwin: bwe kij otemjej bōk
mōtōn bred wōt juōn.

Rom 12. 5. jap. 12. 27.

18 Lale dri Israel rej ilo kōniek:
ro rej mōña men in jurtak ko re
jab dri kōmao in lokatok ke?

Gal. 6. 16. Rom 4. 1, 12. & 9. 3, 5. 2 Kor.
11. 18.

19 Inem ta eo ij ba? bwe men in
jurtak ñōn ekjōp e jab jekron ke?
ak bwe ekjōp e jab jekron ke?

jap. 8. 4.

222

20 A ij ba, bwe men ko dri pegan
rej katok kaki rej katok ñōn dimon
rōn, im jab ñōn Anij: im I jab kō-
nan bwe komin kōmao iben dimon
rōn.

Dut. 32. 17. Sam 106. 37. Rev. 9. 20.

21 Kom jab maroñ in irak kōp in
Iroi, im kōp in dimon rōn; kom
jab maroñ in mōña jen tebel au
Iroi, im jen tebel in dimon rōn.

2 Kor. 6. 15, 16. Dut. 32. 38.

22 Ak jej kaillu Iroi ke? Je ka-
jur jen E ke?

23 Men otemjej remelim; a jab
men otemjej rej kakajuror. Men
otemjej remelim; a jab men otem-
jej rej kalek.

jap. 6. 12.

24 Ejelok armij en kabukot men
eo ej jibōñ e mōke, a men eo ej jibōñ
dri turin.

Rom 15. 1, 2. jap. 13. 5. Pil. 2. 4, 21.

25 Men eo jabrewōt rej wiakake
ilo jikin wia kōniek, komin mōña,
im jab kajitōk kake kin bōklikōt;

26 Bwe lōl an Iroi, kab men ko ej
obrōk kaki.

Sam 24. 1. & 50. 12.

27 Elañe juōn ian ro re jab tōmak
ej jiroñ kom kin kwojkwoj, im
kom kōnan ilok; men eo jabrewōt
rej likit imami komin mōña, im
jab kajitōk kake kin bōklikōt.

Luk 10. 7.

28 A elañe juōn armij ej ba ñōn
kom, Eniwij katok kin men in, ko-
min jab mōña, kin eo e ar bakafen,
im kin bōklikōt:

jap. 8. 10, 12. Dut. 10. 14.

29 Bōklikōt, ij ba, e jab am, a an
eo juōn; bwe etke ekajet anem-
kwojaō kin bōklikōt an bar juōn?

Rom 14. 16.

30 Elañe ña ij bōk kijeo aō kin
joi, etke rej konono nana kin iō
kin men eo ij kamolol kake?

1 Tim. 4. 3, 4.

31 Inem elañe komij mōña ak irak
ak kōmōn jabrewōt, komin kōmōn
men otemjej ñōn aibuuij an Anij.

Kol. 3. 17. 1 Pit. 4. 11.

32 Komin jab lõkatipi dri Ju, ak dri Grik, ak eklisia an Anij;

Rom 14. 13. 2 Kor. 6. 3. Jerb. 20. 28. jap. 11. 22. 1 Tim. 3. 5.

33 Einwõt ña ij kabuñburuen ro otemjej ilo men otemjej, im jab bukot aõ men in kakajuror, a an ro relõñ bwe ren mour.

Rom 15. 2.

JAPTER 11.

KOMIN dri kajeoñwe ña, einwõt ña ij bareinwõt dri kajeõnwe Kraist.

jap. 4. 16.

2 A ij nebar kom, ro jãtiõ, bwe komij kememej iõ ilo men otemjej, im drebij katak ko, einwõt I ar lewoj ñõn kom.

jap. 4. 17. & 7. 17. 2 Tes. 2. 15. & 3. 6.

3 A I kõuan bwe komin jela bwe bõran jabrewõt man Kraist; im bõran kõra man; im bõran Kraist Anij.

Ep. 5. 23. Jen. 3. 16. 1 Tim. 2. 11. Jon 14. 28. jap. 3. 23. & 15. 27, 28. Pil. 2. 7-9.

4 Jabrewõt eman ej jar ak drikanij, im e libubu, ej kajok bõran.

jap. 12. 10. 28. & 14. 1, 3-6.

5 A jabrewõt kõra ej jar ak drikanij, im e jab libubu bõran, ej kajok bõran: bwe men eo einwõt elañe eål bõran.

Jerb. 21. 9. Dut. 21. 12.

6 Bwe elañe kõra e jab libubu, en bareinwõt mijbar: a elañe men in jok ñõn kõra bwe en mijbar ak eål bõran, en libubu.

Bwin. 5. 18. Dut. 22. 5.

7 Bwe emol man en jab kalibubu bõran, bwe e ein in aibuuij an Anij: a kõra e aibuuij an man.

Jen. 1. 26.

8 Bwe man e jab jen kõra; a kõra jen man.

Jen. 2. 21, 22.

9 Bwe bareinwõt ar jab kõmõnmõn man ñõn kõra, a kõra ñõn man.

Jen. 2. 18.

10 Kin men in emõn en or kakõlen kajur ion bõran kõra kin enjel rõn.

Jen. 24. 65. Ekl. 5. 6.

11 Ijoke kõra e jab jibil jen man, ak man jibil jen kõra, ilo Iroj.

Gal. 3. 28.

12 Bwe einwõt kõra e jen man, bareinwõt man kin kõra; a men otemjej jen Anij.

Rom 11. 36.

13 Komin ekajet mõk ibemi: ekar ke bwe kõra en jar ñõn Anij im e jab libubu bõran?

14 E jab mõke alikar ñõn kom ke, bwe elañe juõn eman e aitok kolan bõran, e men in kajok e?

15 A elañe e aitok kolan bõran juõn kõra, e men in kaibuuij e: bwe emwij lelok kolan bõran ñõn e men in kalibubu.

16 A elañe jabrewõt armij e kõnan akwail, ejelok mõuit einwõt ibem, im ejelok iben eklisia ko an Anij.

1 Tim. 6. 4. jap. 7. 17. & 14. 33.

17 A ilo aõ jiroñ kom men in, I jab nebar kom, bwe komij kweloklok jab kin emõnlok a kin nanalok.

18 Bwe mokta jen men otemjej, ke komij kweloklok ilo eklisia ij roñ bwe eor limõjnonu ibemi, im I nañin tõmak e.

jap. 1. 10. & 3. 3.

19 Bwe emõn bareinwõt en eor kiojõljõl ibemi, bwe ro lejokmen ren alikar ibemi.

Mat. 18. 7. Luk 17. 1. Jerb. 20. 30. 1 Tim. 4. 1. 2 Pit. 2. 1, 2. Luk 2. 35. 1 Jon 2. 19. Dut. 13. 3.

20 Inem ñe komij jimor kweloklok ilo juõn jikin, kom jab maroñ in mõña kejota an Iroj:

21 Bwe ilo ami mõña, jabrewõt ej bõk mokta kejota eo an; im juõn e kwuli, im bar juõn e karek.

2 Pit. 2. 13. Jud 12.

22 Ta? e jab or ke mo ko imwemi bwe komin mõña im irak ie? ak komij kejekron eklisia an Anij ke, im kajok ro ejelok iben? Ta eo in ba ñõn kom? in nebar kom ilo men in ke? I jab nebar kom.

jap. 10. 32. Jem. 2. 6.

23 Bwe I ar bõk jen Iroj men eo I ar bareinwõt lewoj ñõn kom, Bwe Iroj Jisõs boñ eo ar ketõk E, E ar bõk bred;

jap. 15. 3. Gal. 1. 1, 11, 12. Mat. 23. 26. Mark 14. 22. Luk 22. 19.

24 Im ke emwij An jar, Ej ruje, im ba, Eñin enbwinið ej ñon kom: komin kõmõn men in ilo ememej Ið.

25 Im ein drein bareinwõt Ej bõk kõp, elikin kejota, im ba, Kõp in kalimur eo ekål ilo bõtõktõkið: komin kõmõn men in, ien otemjej komij irake, ilo ememej Ið.

26 Bwe ien otemjej komij mõña bred in, im irak kõp in, komij kwalok mij an Iroið ñon ien eo Ej itok. Jon 14. 3. & 21. 22. Jap. 4. 5. & 15. 23. 1 Tes. 4. 10. 2 Tes. 1. 10. Jud 14. Rev. 1. 7.

27 Kin men in jabrewõt eo, e jab jime an mõña bred ak irak kõp an Iroið, eor ruon kin enbwinin im bõtõktõkin Iroið.

Bwin. 9. 10, 13. Jon 6. 51, 63, 64. & 13. 27.

28 A armij en melejoñ mõk bu-ruen, im ein drein en mõña bred in, im irak kõp in.

2 Kor. 13. 5. Gal. 6. 4.

29 Bwe eo ej mõña im irak, ej mõña im irak liakelok ñon e, elañe e jab kili enbwinin.

Rom 13. 2.

30 Kin men in elõñ remõjino im nañinmij ibemi, im elõñ rej kiki.

31 A elañe e kar emwij ar mõke jela kajer, jamin kar ekajet kij.

Sam 32. 5. 1 Jon 1. 9.

32 A ke ekajet kij, Iroið ej kajeik kij, bwe ren jab liakelok kij iben löl.

Sam 94. 12, 13. Hib. 12. 5-11.

33 Kin men in, ro jätio, ñe komij kweloklok in mõña, komin kõtar dron.

34 Elañe juon armij e kwuli, en mõña i mweo imõn; bwe komin jab kweloklok ñon liakelok. Im men ko jet I naj kajime ñe ij iwij.

Tait. 1. 5. Jap. 4. 19. & 7. 17.

JAPTER 12.

KIØ kin men ko an Jitõb letok, ro jätio, I jab kõnan bwe komin jaje.

Jap. 14. 1, 37.

2 Kom jela, ke kom ar dri pegan, kom ar lorlok ekjõp re ban konono, einwõt ar tel kom.

Jap. 6. 11. Ep. 2. 11, 12. 1 Tes. 1. 9. 1 Pit. 4. 3. Sam 115. 5.

3 Kin men in ij kajelaik kom, bwe ejelok armij ej konono kin Jitõb õn Anij im ba, Anatema Jisõs; im ejelok e maroñ in ba, Jisõs e Iroið, a kin Jitõb Kwojarjar.

Mark 9. 39. 1 Jon 4. 2, 3. Mat. 16. 17. Jon 15. 26.

4 Kið men in letok ko re jab einwõt juon, a juon wõt Jitõb.

Rom 12. 4-8. Hib. 2. 4. 1 Pit. 4. 10. Ep. 4. 4, 7.

5 Im eor kõmõn ko re jab einwõt juon, im juon wõt Iroið.

6 Im eor jerbak ko re jab einwõt juon, a juon wõt Anij eo Ej jerbale men otemjej ilo otemjej.

Ep. 1. 23.

7 A emwij lelok ñon jabrewõt armij an Jitõb walok bwe en mõke kakajuror kake.

Jap. 14. 23. 1 Pit. 4. 10, 11.

8 Bwe ñon juon ar lelok kin Jitõb nan in meletlet; ñon bar juon nan in jela, ekar ñon Jitõb eo;

Jap. 1. 5. & 2. 6, 7. & 13. 2. 2 Kor. 8. 7.

9 Im ñon bar juon tõmak, ilo Jitõb eo; im ñon bar juon kõbõkõkõk ko ilo juon wõt Jitõb;

Mat. 17. 19, 20. Jap. 13. 2. 2 Kor. 4. 13.

10 Im ñon bar juon kõmõnmõn men in bwilõñ ko; im ñon bar juon drikanij ko; im ñon bar juon kili jitõb rõn; im ñon bar juon konono kin lo ko; im ñon bar juon kemeleleik lo ko:

Mark 16. 17. Gal. 3. 5. Rom 12. 6. Jap. 13. 2. 1 Jon 4. 1. Jerb. 2. 4. & 10. 46.

11 A juon E juon wõt Jitõb ej jerbale men kein otemjej, im ajej ñon jabrewõt armij einwõt E kõnan.

Rom 12. 6. Jap. 7. 7. 2 Kor. 10. 13. Ep. 4. 7. Jon 3. 8. Hib. 2. 4.

12 Bwe einwõt enbwin e juon wõt, im elõñ ra'n, a aolepen r'an enbwin meñe relõñ rej juon wõt enbwin; ein drein bareinwõt Kraist.

Rom 12. 4, 5. Ep. 4. 4, 16. Gal. 3. 16.

13 Bwe ilo juon Jitõb emwij baptals kij ilo juon embwin, elañe kij dri Ju ak dri Grik, elañe kij dri kamakoko ak dri anemkwojar; im emwij kairak kij otemjej kin juon Jitõb.

Rom 6. 5. Gal. 3. 28. Ep. 2. 13, 14, 16. Kol. 3. 11. Jon 6. 63. & 7. 37, 38, 39.

14 Bwe enbwin e jab juōn ra, a elōñ.

15 Elañe ne e naj ba, Bwe I jab pã I jab mōtōn enbwin; e jab mol e jab mōtōn enbwin.

16 Im elañe lojiliñ e naj ba, Bwe I jab mej, I jab mōtōn enbwin; e jab mol e jab mōtōn enbwin.

17 Elañe aolepen enbwin mej, ewi roñjake? Elañe aolepen roñjake, ewi kãtit?

18 A kiō Anij e ar likit ra ko, ir otemjelok ilo enbwin, einwōt E buñburuen kake.

Rom 12. 3. jap. 3. 5, 11.

19 A elañe ir otemjej juōn ra, ewi enbwin?

20 A kiō elōñ ra, a juōn enbwin.

21 Im mej e jab maroñ in ba ñōn pã, Ejelok aō aikwij yuk: ak bar-einwōt bōr ñōn ne, Ejelok aō aik-wij yuk.

22 A, elaplok r'an enbwin, ko ein-wōt remōjino emōn ren jab joko;

23 Im ra'n enbwin, ko jej lemnok eriklok air aibujuij, jej koorlok air aibujuij; im ra'r re jab wuj elaplok air wuj;

24 Bwe ra'r rewuj re jab aikwij: a Anij e ar kobaik enbwin, im lelok elaplok aibujuij ñōn ra eo ej aik-wij;

25 Bwe en ejelok kiojōljōl ilo enbwin, a bwe ra ko otemjej ren jimor kejbārok dron.

26 Im ñe juōn ra ej iñtan, ra ko otemjej rej iñtan iben; ak ñe juōn ra e aibujuij, ra ko otemjej rej lōñ-liñ iben.

27 Kiō kom enbwinin Kraist, im ra ko ilo kaju ra'n.

Rom 12. 5. Ep. 1. 23. & 4. 12. & 5. 30. Kol. 1. 24.

28 Im Anij e ar likit jet ilo eklisia, mokta dri jilik, ken ka ruo dri kanan, ken ka jilu dri kaki, inem men in bwilōñ ko, inem kōbōkōkōk ko, jibōñ ko, kaiñ ko, konono kin lo ko.

Ep. 2. 20. & 3. 5. & 4. 11. Jerb. 13. 1. Rom 12. 6, 8. Bwin. 11. 17. 1 Tim. 5. 17. Hib. 13. 17, 24.

29 Ro otemjej dri jilik ke? ro [Marshall Islands.] 8T

otemjej dri kanan ke? ro otemjej dri kaki ke? ro otemjej dri kōmōn men in bwilōñ ko ke?

30 Ro otemjej rej kōbōkōkōk ke? ro otemjej rej konono kin lo ko ke? ro otemjej rej kemeleleik ke?

31 A komin kanuij kōnan men in letok ko remōntata. Im ij kwalok ñōn kom ial eo emōnlok.

jap. 14. 1, 39.

JAPTER 13.

ELAÑE ij konono kin lo ko an armij im enjel, a yokwe e jab iba, emwij aō erom jinibor e tōñ-tōñ, ak aji e dribukbuk.

2 Im elañe eor iba bwe in drikanij, im I jela men ko retino otemjej, kab meletlet otemjej; im elañe tōmak otemjej iba, bwe in kamōkit tol ko, a yokwe e jab iba, ña jekron.

jap. 12. 8-10, 28. Mat. 7. 22. & 17. 20.

3 Im elañe ij dreeplok men ko mweļō otemjej in najirik dri jera-mel, im elañe ij lelok enbwiniō bwe ren tile, a yokwe e jab iba, ejelok an kakajuror iō.

Mat. 6. 1, 2.

4 Yokwe ej meanwōr, im e joij; yokwe e jab junmare; yokwe e jab mōke kimjāje, e jab jua;

Pro. 10. 12.

5 E jab kōmōn men ko jakkar, e jab kabukot men ko an, re jab kail-lu e, e jab lemnok nana;

jap. 10. 24.

6 E jab lōñliñ ilo jerawiwi, a e mōnōnō kake mol;

Rom 1. 32. 2 Jon 4.

7 Ej kijenmij ilo men otemjej, ej tōmak men otemjej, ej kejatirikrik e kin men otemjej, ej niknik ilo men otemjej.

Rom 15. 1.

8 Yokwe e jamin joko: a elañe eor drikanij ko, re naj lot; ak elañe eor lo ko, re naj jemlok; ak elañe eor jela, e naj joko.

9 Bwe je jela jimōtōn, im jej drikanij ilo jimōtōn:

jap. 8. 2.

10 A ñe men eo eyu ej itok, men eo jimōtōn e naj lotlok.

11 Ke I ar ajiri, I ar konono einwöt ajiri, I ar jela einwöt ajiri, I ar lemnok einwöt ajiri: a kiö bwe I ridto emwij aö wutik men ko an ajiri.

12 Bwe kiö jej lo ilo kapjur etnar; a ilo ien eo jelmae dron: kiö I jela jimöñ; a ien eo I naj kanuij jela einwöt rej bar kanuij jela fia.

2 Kor. 3. 18. & 5. 7. Pl. 3. 12. 1 Jon 3. 2.

13 A kiö e berwöt tömak, keja-trikrik, im yokwe, men kein jilu; im eo elap iair yokwe.

JAPTER 14.

KOMIN lorlok yokwe; a kanuij kōnan men in letok ko an Jitōb, a elaplok bwe komin drikanij.

jap. 12. 31. Bwin. 11. 25, 29.

2 Bwe eo ej konono kin juōn lo e jab konono ñōn armij, a ñōn Anij; bwe ejelok armij ej melele kake; ijoke ilo Jitōb ej konono men ko retino.

Jerb. 2. 4. & 22. 9.

3 A eo ej drikanij ej konono ñōn armij men in kalek, im kowe, im kainemōn.

4 Eo ej konono kin juōn lo ej mōke kalek e; a eo ej drikanij ej kalek eklisia.

5 Kiö I kōnan bwe komin otemjej konono kin lo ko, a elaplok bwe komin drikanij: im elap eo ej drikanij jen eo ej konono kin lo ko, elañe e jab kemeleleik, bwe en kalek eklisia.

6 A kiö, ro jätio, elañe ij iwij ñōn kom im konono kin lo ko, ta eo I naj kakajuror kom kake, elañe I jab konono ñōn kom kin revelešōn, ak kin jela, ak kin drikanij, ak kin katakin?

7 Ein drein men ko re jab mour, im eor ainikeir, ñe paip ak arp, elañe re jab lelok eor wāwen ainikeir, ekijkan jela okōtōn rej kajōñjōñ kin paip ak arp?

8 Bwe elañe jilil ej kwalok ainiken e jab alikar, wōn e naj kapoj ñōn törinae?

9 Ein drein kom, elañe kom jab konono kin lo nan ebiruru in me-

lele, ekijkan jela men eo komij konono kake? bwe kom naj konono ñōn kōto.

10 Bwelen elōñ wöt wāwen ainiken ilo lōl, im ejelok iair eo ejelok rābiltōn.

11 Inem elañe I jaje rābiltōn juōn kajin nan, I naj drua maijet ñōn eo ej konono, im eo ej konono e naj drua maijet ñōn iō.

12 Bareinwöt kom, bwe komij kanuij kabukot men in letok an Jitōb, komin bukot bwe ren orlok ñōn kom ñōn kalek eklisia.

13 Kin men in eo ej konono ilo juōn lo, en jar bwe en maroñ in kemeleleik.

14 Bwe elañe ij jar ilo juōn lo, aö ej jar, a aö lolātāt e jab tokje.

15 Inem e baj it? I naj jar kin jitōb, im I naj bareinwöt jar kin aö lolātāt: I naj al kin jitōb, im I naj bareinwöt al kin aö lolātāt.

Ep. 5. 19. Kol. 3. 18. Sam 47. 7.

16 Elañe ein juōn, ñe emwij am jar kin am jitōb, eo ej ber ilo jikin armij wan, e naj kijkan an ba Amen ñōn am kamolol, ke e jab jela men eo kwoj ba?

jap. 11. 24.

17 Emol emōn am kamolol, a e jab kalek eo juōn.

18 Ij kamolol Anij bwe ij konono kin lo ko elap jen kom otemjej:

19 Ijoke, ilo eklisia, emōn iba bwe in konono lailim nan kin aö lolātāt bwe in bareinwöt katakin ro jet, jen joñoul tausan nan ilo juōn lo.

20 Ro jätio, komin jab ajiri ilo lolātāt: a ilo junmare komin niñaiñ, a ilo lolātāt komin ridto ro.

Mat. 11. 25. & 18. 3. Rom 16. 19. jap. 3. 1. Ep. 4. 14. Hib. 5. 12, 13. 1 Pit. 2. 2. jap. 2. 6.

21 Ilo kien emwij jeje, Kin armij in lo ko jet im kin tien ko jet I naj konono ñōn armij rein; im ein drein re jamin eoroñ Iō, Troij ej ba.

Jon 10. 34. Isa. 28. 11, 12.

22 Kin men in lo ko rej juōn kakōle, jab ñōn ro rej tömak, a ñōn ro re jab tömak: a drikanij e jab ñōn ro re jab tömak a ñōn ro rej tömak.

23 Inem elafie aolepen eklisia rej kweloklok ilo juön jikin, im ir otemfej rej konono kin lo ko, im armij wan ak ro re jab tõmak rej dreloñtok, rejamin ba kom uriekak ke?

Jerb. 2. 13.

24 A elafie ir otemfej rej drikanij, im ej dreloñ juön dri jab tõmak ak armij wan, e rel buruen kin otemfej, im ro otemfej rej ekajete;

25 Men ko retino an buruen rej walok, im ein drein e naj buñbero im kabuñ ñõn Anij, im e naj kenan bwe emol Anij ej lolapemi.

Isa. 45. 14. Zek. 8. 23.

26 Inem ekijkan ro jätio? ke komij jimor kweloklok, jabrewõt iami eor an sam, eor an katak, eor an revelešõn, eor an lo, eor an kemeleleik. Komlin kõmõn men otemfej ñõn kalek.

jap. 12. 7-10. 2 Kor. 12. 19. Ep. 4. 12.

27 Elafie jabrewõt armij ej konono ilo juön lo, en karuo, ak jab elõñ jen jilu, im kilajrök; im juön en kemeleleik.

28 A elafie ejelok dri kemeleleik, en ikõñ ilo eklisia; im en mõke konono ñõn e wõt, im ñõn Anij.

29 Dri kanan ren konono ruo ak jilu, im ro jet ren ekajete.

jap. 12. 10.

30 A elafie eor revelešõn ñõn bar juön ej jijõt iturin, eo mokta en ikõñ.

1 Tes. 5. 19, 20.

31 Bwe kom otemfej maroñ in drikanij juön im juön, bwe otemfej ren katak, im otemfej ren ainemõn;

32 Im jitõb ro an ro dri kanan rej bokake dri kanan ro;

1 Jon 4. 1.

33 Bwe Anij e jab Anij in airwaro, a in ainemõn; einwõt ilo eklisia otemfej an ro remõn.

jap. 11. 16.

34 Kõra ro ren kejeklokjen ilo eklisia: bwe e jab melim ñõn ir ren konono; a ren bokake, einwõt kien ej bareinwõt ba.

Ep. 5. 22. Kol. 3. 18. 1 Tim. 2. 11, 12. Jen. 3. 16.

35 Im elafie re kõnan katak jabrewõt, ren kajitõk iben lõmaro beleir

ilo moko imweir, bwe men in kajok ñe juön kõra ej konono ilo eklisia.

36 Ekijkan? nan in Anij e ar itok jen kom ke? ak e ar iwiw ñõn kom wõt ke?

37 Elafie jabrewõt armij ej lemnok e dri kanan, ak e jen Jitõb, en jela men ko ij jeje ñõn kom bweir kien Iroi.

2 Kor. 10. 7. 1 Jon 4. 6.

38 A elafie jabrewõt armij e jaje, en jaje.

39 Kin men in, ro jätio, komin kanuij kõnan in drikanij, im jab bõprae bwe ren konono kin lo ko.

jap. 12. 31. 1 Tes. 5. 20.

40 A ren kõmõn men otemfej ekar im ilo lajrök.

JAPTER 15.

A IJ kajelaik kom, ro jätio, gospel eo I ar kwalok ñõn kom, eo kom ar bõke, im eo kom bareinwõt jutõk kake,

Rom 5. 2.

2 Kin e bareinwõt lomoren kom; elafie komij drebij nan ko I ar kwaloki ñõn kom, elafie e jab bwir ami tõmak.

Rom 1. 16. jap. 1. 21. Gal. 3. 4.

3 Bwe I ar lewoj ñõn kom mokta jen otemfej men eo I ar bareinwõt bõke, ekijkan Kraist e ar mij kin jerawiwi ko ar ekar ñõn Jeje ko;

jap. 11. 23. Isa. 53. 5. Luk 24. 26. Jerb. 3. 18.

4 Im ar kalibwin E, im E ar jerkakbijji ilo ran ken ka jilu ekar ñõn Jeje ko;

Sam 2. 7. & 16. 10. Isa. 53. 10. Hog. 6. 2. Luk 24. 46. Jerb. 2. 25-31. & 13. 33-35.

1 Pit. 1. 11.

5 Im E ar weaktok ñõn Sipas; bar juön ien ñõn ro joñoul im ruo;

Mat. 28. 17. Mark 16. 14. Luk 24. 34, 36. Jon 20. 19, 26. Jerb. 10. 41.

6 Elikin men in E ar weaktok ñõn limabuki men ro jimjån jimjåten

ilo juön ien, elõñ iair rej ber ñõn ranin, a jet rej kiki;

7 Elikin men in E ar weaktok ñõn Jemes; elikin men in ñõn ro dri jilik otemfej;

Luk 24. 50. Jerb. 1. 3, 4.

8 Im eliktata, einwöt ñön juön eko, E ar bareinwöt weaktok ñön iö.
Jerb. 9. 3, 17. Jap. 9. 1.

9 Bwe ña eriktata ian dri jilik, im ij betkake bwe ren naeta dri jilik, bwe I ar matörtöre eklisia an Anij.
Ep. 3. 8. Jerb. 8. 3. Gal. 1. 13.

10 A kin joij an Anij, men ko iba im einwöt: im joij eo An emwij letok ñön iö e jab jitokjen; a I ar jerbal elap jen ir otemjej: ijoke e jab ña, a joij an Anij e ar ber iba.

Ep. 3. 7, 8. 2 Kor. 11. 23. & 12. 11. 1 Mat. 10. 20. 2 Kor. 3. 5. Ep. 3. 7. Pil. 2. 13.

11 Iuem elañe ña ak ir, ein drein kimij kwalok, im ein drein kom ar tōmak.

12 Kiö elañe kwalok Kraist bwe E ar jerkakbiji jen ro remij, ekij-kan jet iami rej ba bwe ejelok jerkakbiji an ro remij?

13 A elañe ejelok jerkakbiji an ro remij, Kraist e ar jab jerkakbiji:

1 Tes. 4. 14.

14 Im elañe Kraist e ar jab jerkakbiji, inem am kwalok jekron, im ami tōmak e bareinwöt jekron.

15 Aet, im kim dri kennan riöp an Anij; bwe kim ar kennan kin Anij bwe E ar kejerkakbiji Kraist: Eo E ar jab kejerkakbiji E, elañe emol ro remij re jab jerkakbiji.

Jerb. 2. 24, 32.

16 Bwe elañe ro remij re jab jerkakbiji, ar jab kejerkakbiji Kraist:

17 Im elañe ar jab kejerkakbiji Kraist, ami tōmak jitokjen; komij berwöt ilo jerawiwi ko ami.

Rom 4. 25.

18 Inem bareinwöt ro r'ar kiki ilo Kraist re joko.

19 Elañe ilo mour in wöt jej keja-
trikrik kij ilo Kraist, kij armij in tiri-
amo ian armij otemjej.

2 Tim. 3. 12.

20 A kiö emwij an Kraist jerkak-
biji jen ro remij, leen moktata ian
ro rej kiki.

1 Pit. 1. 3. Jerb. 26. 23.

21 Bwe einwöt mij e ar itok kin
armij, bareinwöt kin armij ej itok
jerkakbiji an ro remij.

Rom 5. 12. Jon 11. 25.

228

22 Bwe einwöt ilo Adam ro otem-
jej rej mij, ein drein bareinwöt ilo
Kraist ro otemjej re naj mour.

23 A armij otemjej rej jepkälön:
Kraist leen moktata; tokelik ro
dron Kraist, ñe ej itok.

1 Tes. 4. 16.

24 Inem jemlokön, ñe Ej lelok
ailiñ ñön Anij, aet, Jemen; ñe e
naj emwij An kalotlok kajur otem-
jej an iroi rōn kab kieir im air ma-
rōn otemjej.

Dan. 7. 14, 27.

25 Bwe einön En iroi rōn ñön ter eo
emwij An likit ro otemjej rej kiji-
rāt E iomin neen.

Sam 110. 1. Ep. 1. 22. Hib. 1. 13.

26 Dri kijirāt eliktata im e naj
joko, mij.

2 Tim. 1. 10. Rev. 20. 14.

27 Bwe, E ar kōtāik men otemjej
iomin neen. A ke Ej ba, Emwij
kōtāik men otemjej ñön E, e alikar
bwe E jab juön iair, Eo e ar kōtāik
men otemjej ñön E.

Sam 8. 6. Mat. 28. 18.

28 Im ñe emwij kōtāik men otem-
jej ñön E, ien eo Nejin e naj bar-
einwöt mōke kōtāik E ñön Eo e ar
kōtāik men otemjej ñön E, bwe
Anij eu otemjej ilo otemjej.

Pil. 3. 21. Jap. 11. 3.

29 Elañe ein juön ren it ro emwij
baptais ir kin ro remij? Elañe ro
remij re jab jerkakbiji ñön jirik,
etke rej baptais kin ir?

30 Im etke jej bareinwöt ber im
uōta auō otemjej?

2 Kor. 11. 28.

31 Ij ba kin lōñliñ eo iba kin kom
ilo Kraist Jisōs ar Iroi, ij mij ran
otemjej.

1 Tes. 2. 19. Rom 8. 36.

32 Elañe einwöt armij I ar iri iben
kiru rawia i Epesōs, ewi an kaka-
juror iō? Elañe ro remij re jab jer-
kakbiji, jen mōña im irak, bwe ilju
je mij.

2 Kor. 1. 8. Ekl. 2. 24. Isa. 22. 13.

33 Komin jab bwir: kōmao ko
renana rej kakōt mōnit ko remōn.
Jap. 5. 6.

34 Komin ruj ñön wānik, im jab

jerawiwi; bwe ejelok jela Anij iben
jet: ij konono men in bwe in kajok
kom.

Rom 13. 11. Ep. 5. 14. 1 Tes. 4. 5. Jap. 6. 5.

35 A juōn e naj ba, Ekijkan kejer-
kakkiji ro remij? im ie ein enbwin
rej itok kake?

Ezek. 37. 3.

36 Kwe anāpāp, men eo kwoj jeor
e jab edrek, elañe e jab mij:

Jon 12. 24.

37 Im men eo kwoj jeor e, kwo
jab jeor enbwin e naj an, a ine wōt,
bwelen wit, ak juōn ian ko jet;

38 A Anij ej lelok enbwinin ein-
wōt E ar kōuan, im ñōu jabrewōt
ine enbwinin.

39 Kōniek otemjej e jab juōn wōt
kōniek: a juōn kōniekin armij, im
bar juōn kōniekin kiru, im bar
juōn kōniekin bao, im bar juōn
kōniekin iik.

40 Bareinwōt eor enbwin ilōñ, im
eor enbwin i lōl: a aibujuij an ko
i lōñ juōn, im eo an ko i lōl ein
juōn.

41 Juōn aibujuij an al, im bar
juōn aibujuij an aliñ, im bar juōn
aibujuij an iju kōn; bwe juōn iju e
jab einwōt bar juōn iju ilo an aibu-
juij.

42 Ein drein bareinwōt jerkakkiji
an ro remij. Emwij jeor e ilo wa-
bōnbōn; ej jerkakkiji ilo jabwa-
bōnbōn:

Dan. 12. 3. Mat. 13. 43.

43 Emwij jeor e ilo etton; ej jer-
kakkiji ilo aibujuij: emwij jeor e
ilo mōjino; ej jerkakkiji ilo kajur:

Pil. 3. 21.

44 Emwij jeor e enbwinin armij;
ej jerkakkiji enbwin e jitōb. Elañe
eor enbwinin armij, bareinwōt eor
e jitōb.

45 Ein drein emwij jeje, Armij eo
mokta Adam e ar armij emour.
Adam eo elik E jitōb in kemour.

Jen. 2. 7. Rom 5. 14. Jon 5. 21. & 6. 33, 39,
40, 54, 57.

46 Ijoke eo e jitōb e ar jab mokta,
a eo ej armij; im tokelik eo e jitōb.

47 Armij eo mokta e jen lōl, dri
lōl: Armij eo ken ka ruo E jen lōñ.

Jon 3. 31. Jen. 2. 7. & 3. 19. Jon 3. 13, 31.

48 Einwōt eo dri lōl, ein drein ro
dri lōl: im einwōt Eo dri lōñ, ein
drein ro dri lōñ.

Pil. 3. 20, 21.

49 Im einwōt j'ar bōrañe wāwen
eo dri lōl, bareinwōt je naj bōrañe
wāwen Eo dri lōñ.

Jen. 5. 3. Rom 8. 29.

50 Kiō ij ba men in, ro jātiō, bwe
kōniek im bōtōktōk re jab maroñ
bōk air jolit ailiñ in Anij: im wa-
bōnbōn e jab bōk an jolit ilo jabwa-
bōnbōn.

Mat. 16. 17. Jon 3. 3, 5.

51 Lo, ij kennanek kom juōn men
eo etino: jab kij otemjej je naj
kiki, a kij otemjej je naj ein juōn,
1 Tes. 4. 15-17. Pil. 3. 21.

52 Ilo būkkinkwōle, ilo rum, ilo
jilil eo eliktata: bwe jilil e naj jōñ,
im ro remij re naj jerkakkiji re jab-
wabōnbōn, im kij je naj erom ein
juōn.

Zeb. 9. 14. Mat. 24. 31. Jon 5. 25.

53 Bwe emōn wabōnbōn in en kō-
nōk jabwabōnbōn, im mij in en
kōnōk banmij.

2 Kor. 5. 4.

54 A ñe emwij an wabōnbōn in
kōnōk jabwabōnbōn, im emwij an
men in men in mij kōnōk banmij,
inem e naj jejit nan eo emwij je,
Mij e jo ilo anjo.

Isa. 25. 8. Hib. 2. 14, 15. Rev. 20. 14.

55 O mij, ewi am anjo? O mij,
ewi am ken iri?

Hos. 13. 14.

56 A ken iri an mij jerawiwi, im
kajur an jerawiwi kien eo:

Rom 4. 15.

57 A kamolol Anij, eo Ej letok
ñōn kij anjo kin ar Iroi Jisōs
Kraist.

Rom 7. 25. 1 Jon 5. 4, 5.

58 Inem ro jātiō, kom jitenburu,
en rim buruemi, im kibria, im en
eor tokjemi ien otemjej ilo jerbal
an Iroi, bwe komij jela bwe ami
jerbal e jab jekron ilo Iroi.

2 Pit. 3. 14. Jap. 3. 8.

JAPTER 16.

KIÖ kin aine men in lelok ñön ro remön, einwöt I ar kaiñ eklisia ko i Galetia, ein drein komin bareinwöt kömön.

Jerb. 24. 17. Rom 15. 26. 2 Kor. 8. 4. Gal. 2. 10.

2 Ilo ran eo mokta ilo wik otemfej, jabrewöt iami otemfej en kamökelok ian na iben einwöt an jeramönön kake, bwe en ejelok aine ñe ij iwij.

Jerb. 20. 7. Rev. 1. 10.

3 Im ñe ij iwij, ro kom lemnok remön, im naj nebar ir ilo letter, I naj jilkin ir lok bwe ren bökklok ami men in yokwe ñön Jerusalem.

2 Kor. 8. 4, 6, 19.

4 A elañe emön bwe in bareinwöt ilok, re naj karwönlok iö.

5 A I naj iwij, ñe emwij aö etal ilujen Masedonia; bwe I naj dri-blok Masedonia.

Jerb. 19. 21. 2 Kor. 1. 16.

6 A bwelen I naj ber ibemi, aet, im kañöneañ, bwe komin jiböñlok iö ñön ijo jabrewöt I naj ilok ie lok.

Jerb. 15. 3. & 17. 15. & 21. 5.

7 Bwe I jab kōnan lo kom kiö ilo ial eo lok; bwe ij kötōmene in berwöt ibemi eor ien elañe Iroi e naj letok ñön iö.

Jerb. 18. 21. Jem. 4. 15.

8 A I naj kōtar i Epesōs ñön Pentekost.

9 Bwe emwij kebellok juön aur elap ñön iö im itok limoö, im' elöñ ro rej jumae.

Jerb. 14. 27. & 19. 9. 2 Kor. 2. 12.

10 A elañe ej iwij Timote, komin lale bwe en ber ibemi im jab mijök; bwe ej jerbale jermal an Iroi einwöt ña:

Jerb. 19. 22. Jap. 4. 17. Rom 16. 21. Pil. 2. 20, 22. 1 Tes. 3. 2.

11 Inem ejelok armij en kejekron e. A komin jilkintok e ilo aine-mön bwe en bar itok ñön iba: bwe ij kötōmene en karwöntok ro jimjān jimjāten.

1 Tim. 4. 12. Jerb. 15. 33.

12 A kin jeer im jāter Apollōs, I

ar kanuij akwelap ñön e bwe en iwij ñön kom iben ro jimjān jimjāten: im e ar jab kōnan iwij kiö; a e naj iwij ñe ej lo ien emön.

Jap. 1. 12. & 3. 5.

13 Komin ekil, jutök bin ilo tömak, komin kömön einwöt eman, konin kajur.

Mat. 24. 42. Jap. 15. 1. Pil. 1. 27. & 4. 1. 1 Tes. 3. 8. 2 Tes. 2. 15. Ep. 6. 10. Kol. 1. 11.

14 Men otemfej komij kömönmön, komin kömöni ilo yokwe.

Jap. 14. 1. 1 Pit. 4. 8.

15 A ij akwelap ñön kom, ro jātiö (kom jela ro nukin Stipenas, eo leen moktata i Akeia, im r'ar möke likit ir bwe ren jermal ñön ro remöu.)

Jap. 1. 16. Rom 16. 5. 2 Kor. 8. 4. Hib. 6. 10.

16 Bwe komin kiblie ñön ro eirwöt, im ñön jabrewöt eo ej jiböñ im jermal ilo jermal in.

Hib. 13. 17.

17 Ij mönönö kin an itok Stipenas, im Fortunetös im Akeikös: bwe r'ar köketok iö kin men eo I kar aikwij jen kom.

2 Kor. 11. 9. Pil. 2. 30. Pail. 13.

18 Bwe r'ar kökal aö im ami: inem komin kili ro eirwöt.

Pil. 2. 29. 1 Tes. 5. 12.

19 Eklisia ko ilo Ešia rej yokyokwe kom. Akula im Priska re kanuij yokyokwe kom ilo Iroi, kab eklisia eo ilo imweir.

Rom 16. 5, 15. Pail. 2.

20 Jimjān jimjāten otemfej rej yokyokwe koin. Komin yokyokwe dron kin mejenma ekwojar-jar.

Rom 16. 16.

21 Ña Paul ij yokyokwe kom kin iltan peiö.

Kol. 4. 18. 2 Tes. 3. 17.

22 Elañe jabrewöt armij e jab yokwe Iroi, en anatema. Ar Iroi ej itok.

Ep. 6. 24. Gal. 1. 8, 9. Jud 14, 15.

23 Joi an Iroi Jisōs Kraist en ber ibemi.

Rom 16. 20.

24 Aö yokwe en ber ibemi otemfej ilo Kraist Jisōs. Amen.